

Sel Prestuhn Dieter F. Uchtdorf

Mwet in Kahsrh Ahkluo ke Prestuhnsi Se Met



Kahs luhn God nuh sin Tuhlihk Nahtuhl

Ma suhmuhslah fahk nuh sesr lah ma se met God El oruh tukun orwacalah mukul ac muhtwacn pa sramsram nuh selos.¹ Oasr mwe fahkwack yohk srihpac Lal ac mwe luti sacohk in sang nuh selos. Srihpac Lal tiac ma in ahktoasr kuh elyah elos tuh in kohlohlos nuh ke engan ac wolacna ma pahtpaht.

Ac pa ingacn muhtwacwackiyac ah. Ke lwen sac nuh inge, God El kalweni in sramsram nuh sin tuhlihk Nahtuhl. Kahs lal sihmlac, sacohk, ac lutlutkihnyuck sin mwet tuhmal lutlut ke fihl nuh kwewa. Elos yohk srihpac nuh selos suc suk in etuh kena luhn God, ac elos fahkwack lohoh ke ma pwacye lah “Leum God Fulat El tia ku in oru kutena ma El fin tia akkalemye meet nu sin mwet kulansap lal, mwet palu.”²

Pa inge atac nuh ke muhtwacwacack luhn pacl uh, ac atac sacn kalweniyuck mihsenge. Tiac na sramsram sun se ke Pwacpuhl muhkweni; el inkacnek akwucki luhn God in sruhmuhn pweng yohk srihpac nuh sin tuhlihk Nahtuhl. El tuhfaulah kais sie inmahsrlosr, pahnglolos in mwet pahluh, ac sang kahs nuh selos in fahk, ma kwacfeyuck sesr in eis oacna in mana ke Inwacuhl sifacna.³ El fahk lah puhsrwek sifacna kuh puhsrwen mwet kuhlwacnsap Lal, el oacna sie.⁴

Pa inge sie mwe engan yohk, pwacr, ac pweng wo ke Fohlohkyak sac—God El tiac wihklac! El luhngse tuhlihk Nahtuhl. El tiacna fihlikuhtlac in muhta in lohsh.

Pacl luo ke yac nuh kwewa, ke Eprel ac Ohktohpa, kuht eis pacl wo in lohng puhsrwen Leum sin mwet kuhlwacnsap Lal ke toeni luhlahp wolacna lasr uh.

Nga usot mwe lohoh luhk sifacna lah pacl loes se met liki sie mwet sramsram ke toeni luhlahp el oruh fahsr loes lal nuh ke podium uh, mukul se kuh muhtwacn sacn sang kuh, pruhe, ac lutlut yohk in oraclah sramsram lalos. Pweng ke toeni nuh kwewa eis ao puhkantwen in ahkoe-yucklac ac inse pwacye in etuh mac Leum El finsraki Mwet Luhlahfongi Lal in lohng.

Mac ac sikyak fin kuht, oacna mwet porongo uh sifacna ahkolah oacna mwet sramsram uh? Ahkolah lasr nuh ke toeni luhlahp uh ac siena fuhkah fin kuht liye toeni uh oacna sie pacl wowo in eis pweng sin Leum Sifacna? Ke kahs ac on ke toeni luhlahp uh, kuht kuh in tuhpan in eis top fal ke oacna sie kihsensiyuck kuh elyah kuht puhlakihh.

Fin kom kena nuhnkuh lah Pahpah Lucng El fah sramsram nuh sum, nga fah ahkacsmakihnye kom ke puhsrwen on wowo ma U luhn Tuhlihk Srihsrihk nah-tuhsr uh yuck: “[Kom pa] sie tuhlihk nuhtin God, ac el suhpwe[kom]me nuh inge.” Srihpac lal pa in kahsrwe kom in fohlohk “in muhta yohrohl sie lwen.”

Fin kom fototo nuh sin Pahpah Lucng oacna tuhlihk se Nahtuhl, kom kuh in siyuck Sel ke inse pwacye, “Kol yuc, luti yuc, fahsr siskuck, kahsrweyuc in suk innekwacye. Luti kwewa ngan oruh.” El fah sramsram nuh sum ke Nguhn

Muhtahl Lal, ac ma nuh sum “in oruh kena lal.” Nga olwelah lah fin kom oruh, “mwe insewowo yohk tuhkuh kac.”⁵

Kolyuck luhn Leum yohk enenweyac mihsenge oacna ke ma mahtuh luhn facluh. Ke kuht ahkolah in lohng kahs luhn Leum, lwelah kuht in oaru in suk ma pwacye luhn Nguhn tuh ke pacl Leum El sramsram sin mwet kuhlwasnsap Lal, kuht kuh in kahlwem, etwacnah, ac tuhkweni engan.⁶

Nga fahkwack lah ke kuht oruh ma inge, sruhnguhl luhn hell fah tiac ahkkahlwemyeyuck nuh sesr, ac Leum God El fah ahkwacngihnyelah kuh luhn lohnr met liki kuht, ac oruh inkuhsrao in mukwikwi ke wo lasr, ac ke ine kuhlwasna lal.⁷

MWE KAHSRUH

1. Liye Genesis 1:28.
2. Amos 3:7.
3. Liye Doctrine and Covenants 21:5.
4. Liye Doctrine and Covenants 1:38.
5. “Nga Tuhlihk Nuhtin God,” *Hymns*, nempuh 301; *On Luhn Tuhlihk Srihsrihk*, 2–3.
6. Liye Doctrine and Covenants 50:21–22.
7. Liye Doctrine and Covenants 21:6.

LUTI KE PWENG SE INGE

Ke pacl in toeni luhlahp uh kuht kuh in eis top fal nuh ke kihsensiyuck ac elyah lasr uh ke kuht lohng mwet kuhlwasnsap srihsrngiyucki luhn God uh. Nuhnkuh in sramsramkihn ma inge yurin mwet kom luti uh: Kom ac ahkolah fuhkah in eis kain top ke pacl in toeni luhlahp uh? Prestuhn Uchtdorf el kwacfe nuh sesr in “mong-fihswacsr in suk ma pwacye luhn Nguhn.” Mac kom nuhnkuh muh pa kalmac, ac kom ac oakiyac fuhkah ma se inge nuh ke ahkolah lom? In weacng mwe insewowo ahkkahlwemyeyuck ke Doctrine and Covenants 21:6, mac mwe insewowo sahyac tuhkuh ke kom ahkolah in lohng kahs luhn Leum sin mwet kuhlwasnsap Lal? Kom kuh in solwaslos ma kom luti an in sihmih lun sie puk in sihm ma Leum El luti nuh selos ke toeni luhlahp se inge.

MWET FUHSR

Ahkolah in Lohng Puhsrwen God

Prestuhn Uchtdorf el ahkuhtweyac lah ma se met ma God El oruh tukun El orwacnah mukul ac muhtwacn pa sramsram nuh selos ac sang mwe fahkwack sacohk ac mwe lutlut. Kuht eis mwe insewowo sacn pacna ke Eprel ac Ohktoha ke pacl in toeni luhlahp uh, ke pacl se mwet kol luhn Alu uh ahkkahlwemye ac use kahsrub nuh sesr ma Leum El ke kuht in lohng.

Kuh kom nuh lohng puhsrwen God sin mwet kuhlwasnsap Lal ke toeni luhlahp uh? Kuh kom nuh puhla muh sie pweng usot nuh sum top kom suk kac? Ke sie puk in sihm, kom kuh in suhmuhslah ohiyac sacn ac lah kahsrwe kom fuhkah. Na ahkolah in lohng puhsrwen God ke toeni se fahsrub inge ke suhmuhslah kihsensiyuck oasr sum ac lutlut kac ke kom luti ma suhmuhslah. Pruhe nuh sin Pahpah Lucng, siyuck in eis top ac nuhnac ke pacl in toeni uh. Ke kom lohng mwet kuhlwasnsap luhn Leum, lohacng nuh ke moklweyuck luhn kais sie. Meac kom lotwelah? Kom puhlah moklweyuck fuhkah in eklac? Suhmuhslah kihsensiyuck ingacn mweyen Leum pa sramsram nuh sum ingacn!

Kwacna esam lah Pahpah Lucng El luhngse kom ac fah kol kom ke innekwacye. Ke kom kampare in lohng Puhsrwal yurin mwet kuhlwasnsap Lal, kom fah ahkinsewowoyeyuck ac eklac.

TUHLIHK SRIHSRIHK

Ahkolah nuh ke Toeni!

Suhmuhslah kihsensiyuck inge ke sie ipin pwepuh. Sruokyacna pwepuh an in wikom ke pacl in toeni uh kom in kuh in suhmuhslah kac ma kom lotwelah.

Suhmuhslah kihsensiyuck lom. Nga nuhnkuh ke . . .

Pruhe nuh sin Pahpah Lucng. Nga luhngse in kahsrub in lotwelah ke . . .

Lohng toeni luhlahp uh. Nga lotwelah . . .



Luhlalfongi, Sucu,
Kahsruh

Pruhe ke Kais Sie Tahmtahel ke Inel

Luhngse lasr ac kena in nuhnkuh elos suc kuht forfor luti fah yohkwelihk ke kuht puhsisac in pruhe ke kais sie tahmtahel yohkna ke inel.

Ma suhmuhslah uh akacsruhi mwe srihkasrak puhs luhn mukul ac muhtwacn suc pruhe ke mwet sahyac ke ine. Inmahsrln ma upac yohk inge pa pahpah tuh-mwac Alma Fuhsr. Sie lihpufacn el sramsram nuh sel Alma Fuhsr, fahk nuh sel lah pahpah tuhmwac, “[el] pruhe ke luhlalfongi yohk keim tuh kom in fokoko in etuh ke ma pwacye . . . ; ohinge, ke srihpac se inge nga tuhkuh in kihfuc kom ke kuh ac wal luhn God, tuh pruhe luhn mwet kuhlwacnsap Lal kuh in topukyuck fal nuh ke luhlalfongi lalos” (Mosiah 27:14).

Pruhe ke kais sie mwet sahyac ikacslah insiyacsr in eis mwe in sewo wo ma Leum El kena use nuh sesr. “Srihpac luhn pruhe el tiac in ekuhl-lah kena luhn God, tuh in karihngihn kuht ac mwe in sewowo lalos sahyac ma God El olwelah tari in sang, tuh kuht enenuh in siyuck in eis kac.”¹

Sie tahmtahel el kapsra lah ke sie pacl upac in mou lal, sie pahng kuh pweng fototo kwacna tuhkuh ke mwet forfor luti se lal ke “yohk-na ke pacl lohstr.” Oacna elos in etuh ke pacl el enenuh sie tahpuhk-yuck. El etuh lah elos pruhe kac. Kzewana ke muhtwacta lalos ac lalos sifacna.

“Nuhnkuh ke kuhpahsr kuh lasr fin oasr pruhe pwacye luhn tahmtahel nuhkwewa ke kwewana lutu-tacng ac fong kuh, woiyac, kwacna pruhe oacna ke Leum el sapkihn,” fwackyuck sel Julie B. Beck, Prestuhn mah luhn Rilif Sosaiti.² Pruhe ke mwet kuht forfor luti ahkkweye kuht kais sie ac oacna muhtwacn Luhlalfongi ke Lwen-sahflah.

Prestuhn Henry B. Eyring, Mwet Kahsruh Se Met luhn Prestuhnsi Se Met, el fahk: “Pruhe ke innec in etuh ke insiyaclos. . . . Kom fah enenuh in etuh ma God El kena

kom in oruh in kahsrwelos ac in oruh kac kwewa, ke kuhiyom nohfohn, in puhla ke luhngse luhn God nuh selos.”³

MWE KAHSRUH

1. Mwe Kol luhn Ma Suhmuhslah, “Pruhe.”
2. Julie B. Beck, “What Latter-day Saint Women Do Best: Stand Strong and Immovable,” *Liahona*, Nov. 2007, 110.
3. Henry B. Eyring, “Priesthood and Personal Prayer,” *Liahona*, May 2015, 85.

Nuhnkuh Ma se Inge

Mac kena yohk se ingena ac nuhna kuh oasr yurum ke kom pruhe ke kais sie tahmtahel kom forfor luti uh?

Karihngihnyuck

Ke pruhe ke kais sie tahmtahel ke inel, kuht fah eis kais sie kena in etuh fuhkah in topuk ke enenuh luhn kais sie tahmtahel kuht muhtwacta yohroh.